



**Asunto: Contratación administrativo laboral temporal**  
**Ref: Bolsa de emprego**

Sendo titular da Presidencia do Consorcio Provincial Contra Incendios e Salvamento de A Coruña, o Iltmo. Sr. don Valentín González Formoso, a referida Autoridade dita a seguinte resolución:

Logo de ver o informe da Xerencia de 12 de xullo de 2017, que a continuación se transcribe:

**<<INFORME XERENCIA:**

*Mediante Decreto da Presidencia núm. 28/2017 de 20 de abril de 2017 procedíase á aprobación das bases e convocatoria do procedemento de selección para a creación de unha bolsa de traballo de administrativo en réxime de persoal laboral temporal, a súa definitiva aprobación con data 11 de xullo de 2017 (Decreto da Presidencia núm. 52/2017)*

*Con carácter previo a súa aprobación, e en relación cos aspectos reflectidos na mencionada solicitude en canto ao cumprimento do establecido no artigo 121 da Lei 40/2015, de 1 de outubro, de Réxime Xurídico do Sector Público; por parte da Presidencia deste Consorcio remitiuse, con data 10 de marzo de 2017, solicitude dirixida ao Presidente da Deputación Provincial da Coruña, como ente ao que se atopa adscrito este Consorcio para que, en cumprimento do mencionado artigo da Lei 40/2015, se procedese á adscrición de persoal da Deputación para o desempeño das funcións que actualmente ten encomendadas a persoa titular da praza de administrativo contable deste Consorcio, que actualmente se atopa xa de baixa por maternidade, ou que, no seu caso, se autorizase a este Consorcio para a contratación directa de persoal.*

*Con data 30 de marzo de 2017 (Rex. Entrada núm. 397 de 10/04/2017) recibíase contestación do Servizo de Planificación e Xestión de Recursos Humanos da Deputación Provincial da Coruña, na que se comunicaba que non é posible contar con persoal procedente da deputación, segundo informa da unidade que ten atribuída a asistencia en materia de nóminas e contabilidade. Consecuentemente, autorizábase ao Consorcio para o nomeamento de funcionario interino ou contratación de persoal laboral con contrato de interinidade durante a baixa por maternidade da administrativa contable.*

*Así pois, resulta urxente e necesaria a contratación inmediata de un administrativo contable por ser imprescindible para o funcionamento axeitado do servizo, e sen prexuízo de que no caso de futuras contratacións se proceda a unha nova consulta ao ente de adscrición antes de acudir a contratación directamente de persoal por parte deste Consorcio.*

*Actualmente, está asumindo ditas funcións a secretaria interventora, que tamén se atopa desempeñando as funcións de tesourería, polo que debido ao grande volume da carga de traballo soportada, propónse ao presidente iniciar os trámites, e segundo o previsto nas bases reguladoras da bolsa, proceder ao chamamento correspondente e a súa contratación polo período necesario ata a reincorporación da titular (baixa de maternidade e, no seu caso, vacacións e permiso de xactancia acumulado).>>*

Como consecuencia do anterior esta Presidencia, considerando que se trata de unha necesidade para garantir o funcionamento do único servizo que este Consorcio ten encomendado, e por tanto esencial e prioritario; mediante providencia dispuxo que conforme ao establecido nas bases reguladoras se formulase o correspondente chamamento, previa certificación de existencia de crédito pola Secretaría Intervención.

Emitida esta con data 12 de xullo de 2017 e feito o chamamento mediante requirimento, tal como consta na dilixencia emitida pola secretaria interventora, á aspirante que ocupa o primeiro lugar da lista que conforma a bolsa de traballo, esta manifestou a súa aceptación.

Unha vez presentada en tempo e forma a documentación requirida na base 16 das reguladoras da bolsa, procede a súa contratación como persoal laboral temporal.

De acordo coa mencionada proposta, examinado o expediente, e ao abeiro do disposto no artigo 15.1.c) do Real Decreto Legislativo 2/2015, de 23 de outubro, polo que aproba o texto refundido da Lei do estatuto dos Traballadores, de conformidade co artigo 21.1.h) da Lei 7/1985, de 2 de abril, de Bases do Réxime Local e o 14 dos Estatutos reguladores do Consorcio, mediante o presente

**RESOLVO :**

**PRIMEIRO.-** Contratar a Dona María del Carmen Blanco Liaño con DNI: 32.658.725-J como administrativo-contable, persoal laboral temporal, e en consecuencia formalizar, no prazo de tres días hábiles dende a presentación da documentación á que fai referencia a base 16 das reguladoras da bolsa de emprego, o contrato de traballo na modalidade regulada polo artigo 15.1.c) do Texto Refundido da Lei do Estatuto dos Traballadores, aprobado por Real Decreto Legislativo

Documento electrónico asinado dixitalmente cuxa integridade garátese mediante cotexo da Sede Electrónica do Consorcio Provincial contra Incendios e Salvamento da Coruña co Código de Verificación Dixital (CVD) especificado á marxe.

2/2015, de 23 de outubro, cunha duración dende a data de formalización ata a reincorporación da traballadora (persoal laboral fixo) con dereito a reserva de posto de traballo, Dona Isabel Brión Queiruga (incluíndo baixa de maternidade e no seu caso, vacacións e lactancia acumuladas), en réxime de dedicación a tempo completo.

**SEGUNDO.-** Facer público este acordo no Taboleiro de anuncios do Consorcio, no Taboleiro de anuncios da sede electrónica e na páxina web do Consorcio.

**TERCEIRO.-** Dar traslado da mesma aos servizos de Secretaría Intervención, e nóminas.

**CUARTO.-** Contra a presente resolución, que pon fin á vía administrativa, poderase interpoñer, potestativamente, recurso de reposición ante o mesmo órgano que ditou o acto, no prazo dun mes a contar a partir do día seguinte ó da recepción da notificación da presente, ou ben, directamente, recurso contencioso-administrativo ante o xulgado que corresponda no prazo de dous meses contados a partir da mesma data, sen prexuízo de que se poida interpoñer calquera outro recurso que se estime pertinente.

O presidente,

A secretaria Interventora,

Asdo.: Valentín González Formoso

Asdo.: M<sup>a</sup> Graciela Riveiro Moreira